

Bon bini na Biblioteca Nacional Aruba

Na biblioteca un persona por lesa buki, revista of corant, consulta enciclopedia y otro material di referencia cuanto cu e ta desea. E servicio aki ta completamente gratis. Na momento cu un persona ta desea di fia material, e ta bira miembro di biblioteca. Tin e biblioteca central na Oranjestad y tin dos sucursal. Un sucursal na San Nicolas y dependance Arubiana/Caribiana. Na dependance Arubiana/Caribiana ta posibel pa consulta material so.

Miembrecia

Pa bira miembro y tambe pa renoba miembrecia ta pidi pa trece un identificacion valido (paspoort, rijbewijs of cedula). Pa mucha te 18 aña ta pidi pa e mayor of voogd bin cu su identificacion y e carchi AZV di e mucha of hoben. Miembrecia ta valido pa un aña. Biblioteca conoce 3 sorto di miembrecia :

0 te cu 11 aña

Mucha	3 buki	Awg.	1,00
Mucha 2	6 buki	Awg.	2,00

12 te cu 17 aña

Hoben	4 buki	Awg.	3,00
Hoben 2	8 buki	Awg.	6,00

18 aña pariba

Adulto	4 buki	Awg.	5,00
Adulto 2	8 buki	Awg.	10,00
Adulto 3	12 buki	Awg.	15,00

Miembrecia special

Adulto y Mucha	Awg.	6,00
4 buki adulto, 3 buki mucha		
Adulto 2 y Mucha	Awg.	11,00
8 buki adulto, 3 buki mucha		
Adulto 3 y Mucha	Awg.	16,00
12 buki adulto, 3 buki mucha		

Turista y stagiaires ta deposita un suma di Afl. 100,- of US\$ 50 si nan kier bira miembro pa un periodo corto. Biblioteca ta debolbe e suma aki despues cu tur material a keda entrega.

Carchi di miembrecia

Cada miembro ta keda responsabel pa su carchi di miembrecia. Si a perde e carchi di miembrecia por favor pone biblioteca na altura.

Pa reemplaza e carchi, ta cobra:

Adulto	Awg.	15,00
Mucha y hoben	Awg.	10,00

Cu un carchi di miembrecia por presta material na biblioteca central y na sucursal. Entrega di material presta preferibelmente na e lugar unda el a wordo fia. Cada miembro ta haya un recibo ora e paga boet, bira miembro of renoba su miembrecia. Sin carchi no por fia material di biblioteca. Por favor, sea asina bon di avisa biblioteca ora cu tin algun cambio den informacion di e miembro, manera adres, telefon etc. Por favor no presta otro hende e carchi di miembrecia, responsabilidad ta keda cerca doño di e carchi. Caha ta sera 15 minuut prome cu BNA ta sera.

Periodo di prestamo

E miembro por fia e material di biblioteca pa cuatro (4) siman.

Prolonga

Si ta desea por prolonga fecha di entrega di material maximal dos (2) biaha, personalmente of via telefon. Por yama pa pidi e servicio aki.

Ta pidi pa haci esaki na tempo, en todo caso prome cu e material vence. Asina cu e fecha di entrega pasa no por pidi e servicio aki via telefon mas, sino mester pasa personalmente pa verleng cu e carchi di miembrecia. Si e buki ta reserva, no ta posibel pa prolonga e fecha.

Por favor yama :

582 1580 ext. 240 (Playa) of
584 5277 / 584 3939 (San Nicolas)

Boet

Miembro di 0 te cu 17 aña no ta paga boet. Biblioteca ta cobra e miembro boet pa material/buki cu e no a entrega na tempo. Esaki ta Awg. 0,25 pa buki pa dia. E suma maximo ta Awg. 10,00 pa cada buki. Dianan cu biblioteca ta sera no ta conta. Ora di paga boet e miembro ta ricibi un recibo. En caso di reclamo, por favor presenta e recibo.

Pago di material

Biblioteca ta cobra den caso cu a perde of dañá material/buki. Ta cobra e prijs cu biblioteca a paga pa e material/ buki.

Reservacion

Ta posibel pa reserva buki. Reserva buki ta un servicio gratis. Asina cu e buki drenta nos ta yama e miembro pa pasa busca e buki cu e mester. Mucha por reserva maximal tres (3) buki. Adulto y hoben por reserva maximal cuatro (4) buki.

Por pidi asistencia na informacion pa cualkier pregunta. Cu mucho gusto nos ta duna recorrido den biblioteca.

Copycenter

E centro di copia na biblioteca central ta situa dilanti di e balie di entrega buki. Den e centro di copia por laga saca copia preto/blanco y copia di color. Ta cobra Awg. 0,25 /A4 pa preto/blanco y Awg. 1,00 /A4 pa color. Mester paga e total na balie di entrega buki. Na sucursal San Nicolas y dependance tin mashin di copia disponibel pa publico uza.

Centro di Informacion Digital (CID)

Tur hende por haci uzo di Internet pa busca informacion. E promer ora di e servicio aki ta gratis, despues nos ta cobra Awg. 1,00 pa cada mey ora. Ta pidi un identificacion pa e servicio aki. Pa saca un print ta cobra Awg. 0,25 /A4 pa preto/blanco y Awg. 1,00 /A4 pa color. Biblioteca central tin e servicio di wifi gratis pa su uzadornan.

Sala di Estudio

Den sala di estudio por lesa/consulta revista, enciclopedia y otro material di referencia. Studentenan por studia of traha tarea den e sala aki.

Actividad pa mucha

Tur siman tin actividad pa mucha di 4-12 aña na biblioteca central y tambe na sucursal San Nicolas. Na biblioteca central esey ta tuma lugar tur diamars di 3.00 pm pa 4.00 pm y na sucursal riba diarazon di 3.00 pm pa 4.00 pm. Otro actividadnan pa promocion di lesamento ta e Plan Vacacional di Lesamento durante vakantie grandi y e Festival di Buki pa Mucha na november.

Huur di sala den biblioteca

Pa instancianan, organisacionan y personanan individual tin posibilidad pa huur lugar den biblioteca pa exposicion, actividad, charla, reunion etc. Pa informacion riba huurmento di salanan por tuma contacto cu secretariaat durante orario di oficina. Huur ta pa organizacion actividad cu meta no-comercial.

Biblioteca ta habri su portanan 8:00 am.

Orario pa presta y entrega di material

Biblioteca Nacional Aruba, central

Dialuna:	9:00 am – 7:00 pm
Diamars:	9:00 am – 5:00 pm
Diarazon:	9:00 am – 7:00 pm
Diahuebs:	9:00 am – 5:00 pm
Diabierna:	9:00 am – 7:00 pm

Biblioteca Nacional Aruba, sucursal San Nicolas

Dialuna:	9:00 am – 5:00 pm
Diamars:	9:00 am – 7:00 pm
Diarazon:	9:00 am – 5:00 pm
Diahuebs:	9:00 am – 7:00 pm
Diabierna:	9:00 am – 5:00 pm



Biblioteca Nacional Aruba

Biblioteca Nacional Aruba, central

George Madurostraat 13
Oranjestad
tel : +297 - 582 1580
fax: +297 - 582 5493

Sucursal San Nicolas

Peter Stuyvesantstraat z/n
San Nicolas
tel : +297 – 584 5277 / 584 3939
fax: +297 – 584 5004

Dependance Arubiana/Caribiana

Bachstraat 5
Oranjestad
tel : +297 - 582 6924
fax: +297 - 582 6924

e-mail: info@bibliotecanacional.aw
website: www.bibliotecanacional.aw